

立典田契人溪埔庄張制張角張乎兄弟三人有明置水田壹所址在下大安庄前其四至及大租水份登上手契內明白今因乏銀別置兄弟三人言議愿將此田出典先問房親人等不能承受外托中引就與郭河覲出首承典三面言定時值典價佛銀壹佰大員正其銀即日全中交足其田即照上手界址踏付銀主前去掌管耕作限典捌年為滿自道光戊戌年春起至道光乙巳年冬止至期聽制角乎兄弟三人脩齊典價銀取贖契字及田如至期無銀依舊付銀主耕作不敢異言保此田係制角乎兄弟明置之業與房親人等無干亦無重張典借他人以及上手來歷不明為碍如有不明制角乎兄弟三人出首抵當不干銀主之事此係兩愿各無反悔今欲有憑立典契字壹昏併繳上手新舊契肆昏共伍昏付執為炤

代筆人呂燕送 (花押)

批明即日全中收過典契內佛銀壹佰大員正完足再炤 為中人蕭比觀 (花押)

知見人莊海覲 (花押)

道光拾柒年拾壹月 制 (花押)

角 (花押)

乎 (花押)

